

.....恨入遺簪潭影寂

高雲不動天日清

登車則憶陳卓子

臨水長懷廖啓明.....

.....節太平湖歌句.....

——陳季——

RHYTHMOS OF MIENSHIEH

溟社叢刊第一輯

溟嬰甲稿

溟 嚶 甲 稿 序

這次陳先生要刻印我們習作的詩稿，我非常高興，便想借這個機會，發表一點我對於詩，和同學們的作品意見。首先，我須說明自己作詩的經過，和作詩的立場。

我初學的時候，染上一種浪漫氣質，大概是由於受李白的影響太深罷？這些初期的詩稿，現在多已散失了，或有一兩篇尚存在，自己讀了也覺失笑，李白原非別人所能學的。

跟着，接觸了清季的革命詩，這個時期，我總算寫了一篇可以見人的詩——有了。再進便是「魏晉體」，我的古詩算是得到初步的成功了，大概從效李白那階段到這階段我是厭世的，這期間我們正研究着莊子。

松齡去澳洲留學，我寫了許多詩給他，這便是我從「魏晉體」轉到「老杜和白太傅」的過渡作品，去年所寫的「長歌」，「海外」諸篇，都是長慶集的胎息，我這類詩的過渡作品，去年所寫的「長歌」，「海外」諸篇，都是長慶集的胎息，我這類的詩篇裏，有幾篇我自己很不滿意，如「偶作」是不須要的，如「華人相」及「斯世」未免把事情說得太廣泛，太沒主體了。最近更流為諷罵，恐怕會有傷詩人的風度，現在的主要問題，是怎樣才把「里語」能用到通俗而不鄙陋，一味仿效決是非計，因為時代已大不相同，用古人的語句，是摸不着痛癢的，更何況我們要寫的，並非中國的社會而是南洋的社會呢。這便是我作詩的立場。至於我對詩的見解，與白居易與元九書裏所講的，大概不會差得很遠。以上是關於我自己，這裏要說到松齡了，他的律絕做得最好，由最初一首七律的「夢向水聲尋潮韻」醒從荷蓋數珠圓」，已可見是一個具有高度體會力與才氣的詩人了，他初期大約最愛讀李

淚 甲 稿 序

義山與杜牧之的詩，贈讀者四首都似乎有些痕跡。到澳洲後，驟然改變作風，風格愈來愈高，已有跳出前人範圍的意思，「幾家小院綠陰陰」此時雖落海棠深，都非同學們所能冀及的，他的「雜感」，「墨爾本春遊」，「墨爾本書懷」都是淚社最好的七律。

他來信會說：社會幾經滄桑，使杜甫元白復生，是否尚以其一貫作風來描寫時代問題，舊瓶貯新酒能否成功？……可見他也是很有革命性質的。我們對他的期望最大。

澄煊也喜歡作律絕，但是尙未能跳出宋人的形式，不過有時情感倒表現得極真摯。

松齡認為成昌有「周情柳思」陳先生給他一個熟字，我的批評，恐怕是不必要的了。最後要說到昌雲了，昌雲是後進，看來雖比不上松齡，但讀他的「溪山十里消魂甚」正如松齡的「醒從荷蓋數珠圓」，都是有濃厚的詩味的。

上面說了這末多，沒有提到詞，所以也沒有提到曼英，她的詞是淚社裏最工的，一首「永遇樂」和一首「滿庭芳」直視宋人無愧，尤其是「泛舟十里，夢尋香國，最惜醒來難記」與「春老近清明」等句。

我說了很多歡喜的話，現在要用悲傷話作結了。我們淚社先後倒了兩個有力的人——廖啓明和陳卓明。啟明在詩方面，是很有希望的，卓明在爲人方面，是很難找到匹儔的。現在「不幸短命死矣」而又都死於非命，恐怕是我們的大不幸罷。

一九五二，秋，廷輝序於馬來亞怡保

淚 甲 稿

清明野游

松齡

南國清明苦雨天。巖名自在枕書眠。野塘風露飄芳靄。削壁藤蘿掛暮煙。夢向水聲尋瀨韻。醒從荷蓋數珠圓。芙蓉采得宜供佛。談笑歸來夕照邊。

贈浮虛子

廷輝

君不棄畸士。贈我綠綺琴。爲君奏一曲。相對淚沾襟。君今辭我去。高山流水向誰吟。

郊遊

澄煊

雲起碧山·

董小宛

清璠

浮生曾幾劫·鬱鬱瑤樓新·夢裡燕城月·江南有怨人·

魏武遺詔

曼英

江山雄霸跡·鼎鼎事調梅·魂斂西陵土·情牽銅雀台·宮帷珠玉艷·纂組嬪妃才·脫却扶風錦·鎔量賣履財·

本事

松齡

竹馬青梅記昔時·野塘長日荻花吹·幾番細雨輕寒裏·踏遍香泥覓釣絲·

題明妃出塞圖

曼英

塞曲悲楊柳·胡天凝彩霞·關山萬里隔·幽怨寄琵琶·

雨後河堤緩步

曼英

喜逢雨過鳥聲低·步履逍遙繞碧隄·流水一灣南浦遠·綠雲青草自萋萋·

舅氏以戰亂去國南來爲賦此

松齡

瀛水斷蓬何處春·石泉松蔭駐行塵·忍看寶筏沉珠海·喜見風雲起滬濱·三桂功成寧碎首·咸陽劫後盡翻身·荔香萼美尋歸路·大地光流氣象新·

述懷

廷輝

七尺從何事·黃花萬古鄰·平戎紓策略·丹血灑鑒塵·

沙鷗

澄煊

海天輝映浪淘沙·鷗鷺飛翔逐晚霞·跳躍嬉遊輕霧裏·不知何處是君家·

采芳州兮杜若將以遺兮遠者

(一)

松齡

歌殘人杳未移時·絃索塵封惹舊思·欲贈紅兒比仙句·燕台惆悵玉溪詩·

(二)

高雲不動遠鐘清·淡月輕絃憶妙伶·最是難忘花影下·夜涼如水眼波明·

(三)

盈盈秋水玉尊前·韻似梅花態似仙·此日乘風獨歸去·春江重見更何年·

(四)

燈前幾認柳眉青·高調排雲南國傾·一自秋娘歸去後·流鶯歷亂盡凡聲·

董小宛

啓明

影梅悲語怨釵分·目極高城不見君·兼愛難全銜感日·清涼禮佛爲新墳·

學吟

曼英

院樹含新綠。窗前初雨晴。吟詩本無意。只是被催成。

無題

清瑤

悵望雲峯掩日敦。靈暉偶阻意猶存。連簷尚滴初晴雨。夾路常留舊轍痕。老樹槎牙蔭樓宅。迴禽宛轉掠江村。憑闌不覺飛龍逝。幾度微吟楚客魂。

感賦

廷輝

先生生爲曠世才。百樹桃李一樹梅。入門我血沸五內。四目四聰茅塞開。豪論古今誇百家。如雷瓦釜聞夷華。百氏下酒酤一斗。爲學惟孔爲無瑕。生當豺虎縱橫日。中原處處起龍蛇。志士豈能效隱遁。空懷血氣歲月賒。瘡痍滿目應涕淚。踽踽門牆徒咨嗟。願將一臂搏難力。借取并刀治亂麻。心長力短多慷慨。奇意謫句烘朝霞。遂使南園英傑輩。嗤吾枉道行橫邪。

魏武帝遺詔

啟明

戎馬縱橫歷幾年。古無不死恨綿綿。雄才武略今何用。籌策餘香賣履錢。

遣興

卓明

富貴浮雲我不求。蒼松翠竹繞居修。釣竿撤下堪陶醉。高枕吟哦萬事休。

憶江南

松齡

無限意。婀娜去帆中。碧水圓灘沙似雪。綠榕垂線月如弓。人

語漸朦朧。

憶江南

曼英

臨舊地·涼霧掩餘暉·重認當年遊憩處·花園砌石竹圍籬·物換嘆星移·

憶江南

澄煊

驪唱罷·揮手過南洲·目送孤鴻千里影·情懷脈脈水悠悠·凝淚咽新愁·

思往事·舊恨鎖心頭·每賦涉江懷遠道·倍添傷感怕登樓·何日買歸舟·

前調

清藩

殘照裏·萬里對雲濤·樹影微茫幽陌遠·黃沙飛蕩夜烏號·孤雁塞天高·

遣懷

卓明

日沒西山晚·橫舟江上遊·萍開波影動·對景可忘憂·

遣懷

松齡

客歲小住棋島際月華如水海天無塵
輒容與沙渚神州風雨或偶觸心弦而
環境幽微·音微遙遠·慨然有賦·

殘陽映月沙無際·暗石吞潮水有聲·偶憶六朝烟雨裏·晴天碧海一燈明·

偶感

松齡

友古依蘭願·渾忘五鼎尊·風懷欽竹垞·激憤話梅村·琴碎傷音杳·茅存雜世喧·睽懷朝市改·海角有啼痕·

東 郊

廷輝

步出城東隅。流澗清且淺。煙林含靄日。飛鳥沒層巖。緩步行
幽畦。野花雜春蘚。双双上林鳥。交頸意溫軟。顧彼營營者。
何事織蠶繭。太古多義皇。高風一何遠。却捨風雲志。摘纓棄
軒冕。念昔城東遊。何以哀黃犬。白日已當頭。修竹影遲短。
憤懣休復道。歸來展舊卷。

夜 讀

曼英

玫瑰吐艷銀瓶靜。明月窺人秋夜涼。玩罷清輝閒展卷。書香常
雜好花香。

感 懷

澄煊

邊城欲暮見炊煙。野霧迷離接海天。去雁遠征期有日。離人長
別恨無言。依依殘照隨山隱。淡淡微雲向水連。瞬息京華寥落
盡。故園往復又經年。

天寒懷亡兄

廷輝

一夜風蕭瑟。繁英挾雨吹。露苔竊私語。斷續相淒悲。起吟白
馬篇。擁被增歔歔。撫膺嚙齒碎。結氣舒哀微。思深長徘徊。
燭殘雨聲稀。尋步見庭月。渺然流光飛。昔逢太平時。相樂共
忘機。濡染操大筆。嫉世陳高辭。胸懷廿八宿。驅策十萬師。
擊斷玉量尺。敲碎玉盤棋。焉知未十載。泯滅英武姿。即今多
秋露。墓前宿草滋。寂寞江山冷。纍纍傾落碑。不堪掩涕誦。

相煎燃豈其。

野步

廷輝

繁花生密樹。春滿散馥郁。予亦乘幽興。閑雲若相逐。群峯越野來。清響發幽谷。安得一茅檐。長在此中讀。世情雖云惡。豈效窮途哭。心志自不渝。此意常在蜀。世業待風雲。九宵奮黃鵠。

雜感

松齡

拚將長劍投江水。魏闕江湖賸此心。滿地淚痕傷柳色。幾家燈火促慈鍼。吭歌原慕高人意。憔悴還悲楚客吟。漫苦書生無一用。長材委棄半浮沉。

滿庭芳

新祺

一碧晴空。漫天星斗。遙夜淡月蒼涼。徘徊花閣。濃蔭滯餘香。流韻隨風飄蕩。哀絃起。暗觸情傷。秋深也。蟾光欲滿。蛩語恨徧長。周章。幽思迥。行雲凝眄。觸目愴惶。憶纏綿往事。歌詠西廂。夜色茫茫無據。人已寢。夢境微茫。離魂逐。擁衾閉目。歸臥月光床。

滿庭芳 別意

曼英

冉冉風簾。小樓慵醒。夢裏物事頻更。娉婷人去。遙水怨長征。十載芸窗影絕。况聞得。病困江城。那堪對。珠藏錦匣。蘭澤散微馨。神榮。秋雁足。幾番叮囑。盼極還驚。任琴絃彈

遍·難賦離情·漫說天涯鄰比·憑誰語·幽恨盈盈·聽啼鳥·
暝空細雨·春老近清明·

清 平 樂 清明得成昌札喜作

松 齡

書來萬里·見說春如許·偏喜嬌花生滿地·更被新歡留住·
追思去歲清明·幾番傾倒新聲·往事只今雲散·姮娥千里冰清

成昌書云春滿故鄉花開遍地且多新交有樂不思蜀意

前 調

故人無恙·消息心懷暢·欲寄新詩無覓處·長夜沉沉深巷·
舊時佳節清明·寒崖雨韻調笙·南國花時寂寂·故鄉田女春耕

成昌來書日觀婦女春耕極饒佳趣

沁園春 賦於 Soerabaya

松 齡

映水繁星·拱北千峰·雲外飛航·看華燈明月·梳絃風緊·憑
欄長嘯·難話蒼茫·湘女環聲·洛妃裙影·腰裏多情淺弄妝·
天池外·待風雷怒吼·駭浪驚狂·探春萬里尋芳·可奈我登
幃鬢点霜·更荆高意氣·永懷歌笑·小珠清麗·長憶眸光·且
把深杯·漫斟蟾影·冰雪襟懷穎脫囊·翔鷹沒·向天涯煙草·
長盼琳琅·

滿 庭 芳

陳 季

溟社同學。因環境。遞次悲遷。方喜梁莫歸來。而松齡又適南澳。所寄詩詞。多蕭瑟之感。賦此慰之。

千里羸糧。三冬文史。飄然矯翮窮溟。滄波回首。去住兩牽縈。
· 四海同爲兄弟。親知隔。恨總難平。情辭見。傷春傷別。本色是書生。
· 絃歌應在耳。琴堂晝永。依舊書城。換歸來燕羽。
· 飛去鴻冥。爲念小人有母。豈能免。憤鼻功名。新詞好。騷人天賦。衆醉獨長醒。

寄溟社諸友抵雪梨前夕(十五)

松齡

誇道尋春萬里身。秋風猝地已愁人。羶餽久食思鄉鱸。薄酒初嘗異釀醇。滄海飛鷗隨有日。雲間青鳥盼無因。南洲十載羈留後。重聚猶能誦感甄。

寄怡保諸友

松齡

飛航漫溯氣如虹。避暑尋詩白念空。燈外管絃殘臘味。烟中人影暮天鴻。愁深倚枕添秋思。病懶憑欄畏曉風。多謝故人詩一卷。幽懷相伴有詩翁。

河畔獨步

昌雲

綠竹猗猗水似油。閑看廬犬吠邨牛。家山緬邈成千里。異域棲遲又一秋。去國更誰歌黍麥。哀時獨我誦離憂。小橋倒映斜陽暮。信筆詩成思未收。

鄉夢

成昌

昨夜飄然故國遊。伊人無恙放春牛。禾苗遍插長空碧。鶯燕翻

飛妙韻流·廿載風塵憐作買·一生羈旅愛尋幽·重來烟雨成追憶·月冷西園動客愁·

寄友

松齡

舊遊曾記意翩翩·把臂翱翔態欲仙·夢裏長懷春燦爛·客中始覺世涼炎·憐君壓線天涯苦·愧我焚膏故閣眠·山嶽茫茫何所思·祇堪相望一恒(從系)連·

清平樂

澄煊

斜陽欲暮·寂寞園林路·春水一池凝碧·落絮臨風飛舞·夜來疊鼓頻催·心絃顛蕩難支·萼地寒霄夢覺·銀光照入窗籬·

答故人

成昌

千山萬水隔嬋娟·顧我胡爲外物牽·故國四時香草郁·人間三月杏花天·宵寒儘足圍爐醉·晝暖何妨枕石眠·未向仙源尋樂土·鄉村歲月任陶然·

寄松齡

廷輝

黃生重意氣·相處若蘭蕙·判襟闕音問·歸期難早計·當仁常不讓·坎坷念前惠·聖言在忠恕·悲智明佛慧·弱歲冠文墨·同心究經藝·哲門茂桃李·鵬翼風雲際·德盛風且厚·圖南遽遐逝·靈秀擬鶴舉·繳弋空羨翬·習習寒冬至·君子賦豈弟·彈纓謀嘉會·黃生自勉勵·

雜感

成昌

柳風蕉雨動鄉情。燕子樓頭夢不成。記得田園斜日盡。伊人何處鉤春耕。

八聲甘州寄松齡

(季)

似窩螺失壳化蟾蜍。遇安且爲家。向雲天海水。辭親別故。壯極星槎。乍語旅途况味。日暮羨歸鴉。無復庭幃事。晨夕呼茶。不恨藕絲冰水。恨浮名換却。史漢經葩。悔黃金虛牝。學決五書車。念人生詩成詞就。有新聲好酒即堪誇。何時更。同消清暑。沉李浮瓜。

追懷

澄煊

買棹歸國，欲自息跡家鄉，安心研讀，償余宿願，國內環境日非，時不我與，心意零亂，終日愁苦，而今思之，殊覺赧然，追憶前塵，賦追懷一首。

寂居無事貯池邊。蘭苑夭桃喜鬥妍。紫鴨双双春水戲，黃鸝箇箇綠楊穿。送君尙憶長亭淚，負羽還驚北塞弦。塵世不堪消俗慮。無窮覺道欲參禪。

夜意

新祺

獨倚欄杆夜氣清。碧天雲淡映窗明。自憐孤影餘芳夢。仰睇羣山慰客情。壯歲豈無齊物意。少年長作不平鳴。悠悠曠野蕭條意。卓爾長空一鶴聲。

遣懷

板城度假海濱作

昌雲

天空海濶動詩情。点点風帆遠水平。物外無心常得句。林深有韻似調笙。請纓救國英雄志。逐舞徵歌俗客營。世事蕭騷誰與

語·旅窻歸去月微明·

初春漫遊

澄煊

細雨初晴上翠微·杏花開傍荔枝園·香隨夾巷微微送·步轉長衢漸漸稀·臺閣宮楹嗟剝落·城樓廢壘嘆斜暉·營營市井難如意·行役徒嗟所願非·

永遇樂

曼英

淡日韜雲·重陰暗壁·簾外飛雨·乍觸詞懷·染翰待寫·長覓無秀句·琴堂多士·彬彬德讓·更有長程振羽·想當時·新聲憂玉·偏教俊才難聚·泛舟十里·夢尋香國·最惜醒來難記·燕子南飛·料應故國·到處鳴砧杵·功名無與·漫嗟榮辱·

任彼流光去住·爭如共·班香宋艷·永爲伴侶·

追懷

昌雲

花紅柳綠趙家莊·日落風生能戴(三從表)忙·迤邐牧童臨水影·嬌嬈村女隱山光·幽窗馴鳥今應在·綺閣驚鴻久渺茫·四海沸騰途路絕·願從仙鶴棄塵鄉·

中秋憶廖啓明

廷輝

又逢佳節倍思君·入夢楓林盼日昕·塵世慳緣成解脫·廣寒舊隊證前因·同窗落拓應存念·道侶常違昔已聞·愧我才疏成輓句·高秋寥寂憶清芬·

書懷 墨爾本

松齡

千燈霏霧映天涯。月落風閑冷玉階。冉冉幾彈屈子淚。悠悠尙戀物華佳。木蘭謝後留芳思。春水生時有薄靈。信道此鄉金粉地。長歌誰共杜陵懷。

偶作

廷輝

讀書已大苦。誇強更學詩。師友相勸勉。意興云自隨。五日輟未彈。臨絃苦攢眉。忽然得佳句。心氣和且夷。擬古或摹今。並可發天機。有時思乙乙。曠日神不怡。有時罵古人。雕琢弄媚姿。有時却愛慕。或壯或幽悲。聞戰心胆懾。所志常泉變。自少本道貌。與世常相遺。芸芸衆生相。昧昧我思之。口伊目不瞬。家人常笑癡。實無李杜筆。尙擬比韓碑。劣驥初試鞍。一縱狂奔馳。善御難收拾。力竭神且疲。異哉造化功。何用此物爲。

山 暮 小住萬撓齋時居處屋後斜岡小溪別具佳趣 松齡

竹馬舊時山。奔嘯嬉鳴弩。此來復登覽。晚風動煙樹。別易會常難。秋色多媚嫵。寒川退痕新。茅叢頽廟古。冉冉餘輝沒。悠悠此意苦。浣泉整衣去。沙外眠獨枯。遙岑可躋攀。奈何多荊杞。稚子岡下呼。晚炊殷勤醑。倉忙下山徑。山月隨歸戶。

中秋懷遠

澄煊

樓頭浩月映雲縱。欲賦狂懷墨未濃。遙夜閑情千萬緒。蓬山遠隔一重重。

✓ 夜懷師友寄蕙君

松齡

似水年華如綺夢。春寒一覺暗驚蓬。人間長憶廣陵散。海內何人作大風。明月蒼茫塵土外。楚魂縈繞柳絲中。感君意氣哀君遇。夜雨何年共寸衷。

遣懷

成昌

舊遊何處又經年。北望雲山路幾千。宛轉天河飛不渡。小樓長夜夢花眠。

詠懷

昌雲

孤帆遠影近黃昏。恨惹湘靈欲斷魂。聰明難爲緇塵染。願作愚人記劍痕。

蕭館

松齡

牆頭鶯喚奈春何。蕭館慙慙午夢多。憶否風光隄外路。飄綿幾里落新荷。

✓ 空庭

松齡

黯黯流光渺渺思。未成綠蔭已單衣。莼鄉此日無消息。又向空庭對勝枝。

長歌

廷輝

昨日惺忪過市墟。官車揚塵疾如箭。忽聞號哭搶呼天。壯嘖老怨分明見。遙指官車語路人。路人唯唯如我云。又問路邊販菜叟。長嘯短嘆頻搖首。自言家住西南郊。頽茅一椽菜一畝。老

妻早年已辭世。天留一子性稱厚。前年因事避官兵。一去石沉音絕久。老夫剩此一身孤。辛勞生計形消瘦。深夜有人常索錢。官家罪我供山寇。日前吏牒聲威嚇。口稱全村須盡拆。村民燭滅泣無聲。拆蓋傭資勞策畫。初時官家尙補貼。誰知日久減款額。世世薄耕僅糊口。一朝安得金三百。瓜菜雞豚求賤賣。買者尙嫌我多獲。老夫何辜遭此難。故國殊鄉兩煎迫。我聞翁語心悽惻。姊家昨夜成澤國。今晨號哭向母前。水深膝蓋泥滿屋。豪家高歌頌聖代。博濟扶危施利福。姊夫姊姊慎勿哀。與翁相比未爲厄。

村居二首

昌雲

嘒星淡月夜風清。寂寞西樓寢未成。詩興不來難覓句。臥聽梵宇步虛聲。

遍地濃華照眼明。比鄰人語樂豐耕。村居日永無來客。只有幽禽自贊名。

早行

曼英

朝曦蝠清和。百鳥聲休悅。出門迎飄風。心意常勃潑。石階循步登。山樹遠卒聿。流眄顧中天。白雲屢興沒。盈虧萬古情。胡爲長鬱結。昔人委天命。高思何明哲。學苑憊奔馳。初志未云奪。榮衰何足計。樓觀等蟻穴。玉書降天墀。妙旨豈云絕。取捨本無違。清尊對明月。

三 姝 媚 并序

陳季

溟社補課。日已移午。麗嬌美容。來求攝照。守候不去。寧忍過拂。前曾爲攝姜詞暗香。未臻意境。計河堤有高樹。葉落枝疏。奇古類梅。遂匆匆終課。命取笛聯赴河堤。屬暫小憩。俟取光影。方列坐嘉樹。纖歌已發。二人於樂歌。均同輩中秀出者。來時天固重陰。忽長空翻墨。見雨點自遙岸飄馳。美容嚶然嬌呼。覓暫避處。余操笛代鞭。遙指隄下村帘。先急趨。而雨點逐人。不覺奔馳。遂及茶座。彼齒屐双双。旣嗟落伍。衣裙稍復霑濡。甫得入門。美容笑不可仰。旣而飄風一過。竟復天霽。爰共登堤。見殘陽天末。霞影燦燁。部署攝機。分別得梅邊吹笛多片。暮色催歸。乃緩步列行堤上。美容曰。今日至樂。不願歸。安得長復如此。人亦不大。時亦不去呼。麗嬌嬌其妄。余頗涉悲感。歸賦此闕。訪梅携笛去。悄河堤清漪。翠鬟双侶。依舊何郎。擅春風詞筆。看花能賦。檢点平生。試屈指。歡懷幾許。萬斛浮情。飛蕩天涯。散如輕絮。此際誰聞仙呂。對玉指珠喉。亂雲高樹。纖響凌風。乍長空闕黑。遙岸飄雨。蝴蝶衣霜。帘影近。游蹤趨駐。留取殘陽一抹。歸時笑語。

宿 金 馬 崙 作

昌雲

舊意新愁乙乙深。淒風窗外亂虫吟。溪山十里消魂甚。未負嫵

娥夜夜心。

寄 松 齡

新 祺

同遊曾記是良宵。月映明湖柳拂橋。我欲商量尋好夢。念君千里路迢遙。

解 連 環

廷 輝

遠書頻促信心。長語重。情傷幽獨。待寄與芷郁蘭芳。正春滿河山。亂紅繁綠。未減風華。再傾吐彩箋珠玉。想飛雲流響。新詞淡酒。此時清穆。應憐舊時伴侶。勝如今寥寂。何堪根觸。說夢裏波暖尋花。對瑤樹迴風。山重水複。暮雨冥濛。都不管洛城淒曲。但相看英氣銷磨。悲填恨續。

寄 溟 社 學 友

松 齡

咫尺高朋志若仙。劇今懷古意誰傳。冥空月上長林夜。雜樹鶯飛欲暮年。弟妹笑歌新夢境。江湖鷗鷺舊因緣。平生自許爲勤學。尤願同群猛著鞭。

寄 俊 新 友 (月下獨飲)

昌 雲

兩地心香彼此知。東皋流憩記吟詩。銜觴自酌邀明月。重盼西窗剪燭時。

詠 懷

昌 雲

玉簫何處暗飛聲。楚客旋添故國情。濁世馬卿何處是。寧尋騶卒訴平生。

詠懷

廷輝

相知久契濶。對月清興發。所求屢屯邅。煩憂安可歇。皎皎桂華明。凜凜催時節。安得遺遠者。乘風共攀折。攀折多苦心。拳拳意鬱結。所志在青雲。所思固廉潔。世亂無義皇。貌愚心狡譎。誰能如桂華。依時歷圓缺。誰能似吳剛。意志堅瑜鐵。歛歛終無補。緩驅齊鴛劣。

客棧島

泛舟海岸

新祺

沿海輕舟覓舊居。石堤重認門前樹。故人何在燕樓空。此地去年同寄寓。

登百樂山

新祺

橫空斜見一溪煙。峽道崎嶇野草鮮。百樂山前風景地。登臨送目海連天。

海外

廷輝

海外有天國。百歲蓬萊通。文物光四表。苞茅盡北供。數刊忽至今。屈辱嘆途窮。頭會箕歛輩。毒辣如蛇蜂。不耕坐收穫。復逞其頑兇。爰有無恥倭。詔謂呼祖宗。鬼前甘匍匐。人前如虎龍。煎迫其同類。利在則交攻。苟能成寇資。頤豐德聲隆。榮策腰玉紳。出入多雍容。侯門富權畧。及時而試鋒。上下皆討好。近有陳相公。四方俱圓滑。吾翁即若翁。同是自由人。創國允執中。格爾異種民。朕命唯率從。慎毋曠爾志。毋固步

自封。雜族通婚媾。爾念應大同。戮力除暴亂。七載圖豐功。
愼厥始。維其終。嗟呼高論何顯赫。侈言定亂資兵戎。黃禍白
禍相復作。袞袞諸公莫倥偬。

木 蘭 花 慢

昌雲

樓空寒透幕。對濁酒。悵平生。又好月清琴。愁中靜賞。變徵
淒聲。青燈下。濡醉翰。儘遊心秀句久無成。記省秋江同釣。
白雲天際英英。如今是倦客孤城。向誰傾心事。羨五柳先生
。閉門却掃。謝絕浮名。若曰各言爾志。願流泉石上聽蟬鳴。
蒿目塵沙京洛。何須萬里長征。

賀新郎(EVELYN)山中。參加中國同學會年假聯歡。青山懷抱

中。盤桓四日。廿二日晚。離別前夕。政治座談。土風舞
蹈。夜餐後。意興未竟。結伴十數人。作深山夜行。時已
夜半。天外星飛。萬籟絕響。盡情高歌。歸來數日。猶興
奮不已。情隨事遷。感慨系之。遂有斯作。

松齡

月暗無行跡。信紆迴。路曲山深。寒天如墨。萬里風雲於此會
。淺草疏林謾謾。宇宙外流星飛逐。他日共盟清妖孽。縱歌聲
。驚破長空寂。爲青山。壯顏色。奔雷意氣盈千斛。想中原
。飄揚漢幟。雄豪如昔。留得石頭金粉地。千古盈虛消息。試
矯首青天雁翼。腐臭生涯今已矣。探奇踪。奮躍情無極。平生
志。填胸臆。

登 金 馬 崙

昌 雲

身世悠悠類轉蓬。水分雲隔各西東。籬邊采菊歸何日。仰看征鴻度碧空。

長薄清川燕雀鳴。日寒松下聽吹笙。此心久抱煙霞志。布襪青鞋謝俗名。

無 題

新 祺

蕭索江湖十過秋。夕陽冉冉逝難留。雲山萬里何方好。終擬浮槎訪舊遊。

念 奴 嬌

寄懷

成 昌

長空如洗。對海天無際。曠懷何許。曾向人間留影事。耿耿舊

時歌舞。露冷光流。庭虛客杳。十載朱塵誤。江湖載酒。憑將風月記取。聞說故國春殘。榴花紅了。待覓來時路。竹馬青梅歌舊調。深巷小橋細語。織女牽牛。銀河清淺。秋景年年度。尋歡無計。留只夢魂飛去。

望 月

廷 輝

一年歸去歡今夕。人事匆匆意若何。漫說生涯堪涕淚。應憐壯志漸銷磨。河山舊夢音書少。明月清輝白露多。莫把慈親拋海外。聲聲淒苦讀蒿莠。

閒 作

松 齡

尚想桃花稱快意。已添搖落晚楓黃。一年好景秋風暮。生計消

磨滅望鄉。

②

絕域名花日漸稀。江湖蒲滿鴨雛肥。始知柳老猶多貌。蘭漿人歸綠映衣。

憶江南

松齡

寸心在。蜃市不爲虛。象齒樓台酣蝶夢。禪林僧老意凝灰。風雪釀新梅。

寶刀在。不負狗奴才。志士嘔心蝨嗜血。江山留付楚人哀。掃滌待風雷。

摸魚兒

廷輝

悄河橋。新妝淺綠。春情還又如許。娟娟明月今宵滿。飄落桂香無數。前日路。斜徑裏柳絲依舊臨風舞。猗迴此去。又展轉漂流。飄沙淺石。哀怨向誰語。閑愁苦。漫把離踪細訴。醒時醉裏終誤。人間留得銷魂遇。應教十年重聚。暗飛度。待寄與聲聲。珍重淒涼暮。他生定注。嘆千斛明珠。香心一點。悲怨成千古。

滿庭芳

昌雲

波暖粼粼。一江凝碧。臨風海鳥飛鳴。蜉蝣宇內。蠻觸笑紛爭。我自尋章摘句。應貽笑一介書生。二三子。輕裘肥馬。逐逐共求榮。長繩難繫日。朱顏不駐。爲趁韶年。訪中原勝地。

萬里書城·回首慈顏遲暮·安能忍裾絕長征·殘燈下·新詞未盡·往事動愁情·

慈 悲

廷輝

南洋多豪富·膠錫盈倉庫·月入纍百萬·賦稅自有數·量珠双角山·得新便棄故·爭寵鬥嫵媚·讒譖互嫉妒·或馳車過市·威猛如狼虎·櫻唇兼楚腰·袅娜金蓮步·流連飲醇醪·蠻舞過夜午·挾妓天明歸·一覺又日暮·或幸大社團·八仙博貨賂·高喝呼盧雉·酬答感情樹·用是積功德·玉紳堪羨慕·民飢能施粥·移殖頻相顧·爾民之利益·公會爲爾護·以此咸感激·示謝俱依附·諸公眞慈悲·賤役我能赴·日唯求兩餐·夜唯求一住·世世爲勞力·兒女毋教傳·南洋好天氣·單衣可粗布·主人連雲宅·我家對門住·主人如有用·一一依吩咐·

河 畔

奕東

小橋流水遠琴聲·雲淡風輕結伴行·昨夜夢中遊故里·淒淒芳草動詩情·

太 平 湖 ①

宗鑑

波光湖影又新秋·幾許遊人任去留·飛鳥落花皆妙理·青山一壁儘忘憂·

②

槐英飛舞遍湖濱·極目青蕪景物新·一雨成秋遊興損·行人安

得不消魂。

漢 宮 春 壬辰暮春，重遊三寶洞

昌 雲

時序侵尋。算而今經歲。舊地重遊。嬌花寵柳零落。清露晨流。
蒼崖雲樹。記年時。燕子穿樓。空回首。故人千里。春心如
酒飄浮。莫嗟江湖浪跡。念平生未遇。此志難休。西湖永懷
范蠡。一葉扁舟。煎茶對奕。寄幽情吾意悠悠。迎曉日。闌干
高處。登臨且撇牢愁。

涼 暮

曼 英

雨後涼添淺水橋，紅簷翠色映青郊，置身物外誰得失，捲卷尋
詩樂一瓢，

元 日 遊 Mornington

松 齡

數卷舊書家萬里。一身父祖廿年期。又經新歲無新意。細雨寒
濤倚斷磯。

夕 陽

昌 雲

一天勞倦夕陽時。竹簟清風萬里思。故土此心常耿耿。片雲何
意不飛馳。百年哀樂曇花斂。一歲枯榮草木知。戰鼓幾家慈母
線。竹窗疏影獨吟詩。

初夏閑居 矮牆外白楊一株。光風轉葉。紛然作輕鈴響松齡

一春風雪已無痕。半畝清陰落葉喧。墜粉只應尋坏井。白楊猶
可伴黃昏。明波滄海添遙思。翠羽青山入夢魂。方喜空齋獨幽

坐·鄰家何處學調笙·

金馬崙什詩二首

昌雲

山高陰易夕·懸瀑碧雲天·蝶化酣丹枕·鷄鳴著祖鞭·流光雖共水·見事勝前年·寂寂塵埃外·幽懷寄暮煙·

步屨晨林裡·野花一徑香·山橋荒草綠·水店菜花黃·願棄登龍策·傳將育鳥方·吹簫吳市客·青史亦留光·

風急夜讀乍憶陳先生

松齡

絃歌無復當年事·妙語高談落夢中·檢点舊時清賞句·秋霄環誦却淒風·

致陳先生

松齡

先生贈我書三卷·我感先生意萬重·慚愧枯毫難盡意·銘心所學耐三冬·

馬崙坡

廷輝

霓羽歌殘聲鼓催·五雲夢斷剩餘哀·殷勤應是驪山月·千古寒光映馬嵬·

題木蘭照片寄廷輝

松齡

萬千辛苦天涯旅·爲汝風華氣轉豪·海角有人亦憔悴·寄將倩影代金刀·

望月有感

廷輝

一年歸去歡今夕·人事匆匆意若何·漫說生涯堪涕淚·應憐壯

志盡銷磨·河山舊夢音書少·明月清輝冷露多·莫把慈親拋海外·聲聲淒苦讀蒿莪·

答祖國友人

昌雲

南溟文物枉傷神·壯志青衫怯麴塵·夢到西湖詩賦好·鶯飛草長好吟春·

高陽合

昌雲

密樹遮雲·牙簷銜照·澄波遠度疏鐘·蹀躞(從足)登樓·王郎愁緒徧濃·香鬟微霧瑤台路·嘆文園病後情慵·最消魂·卓女伶娉·琴韻飄空·乾乾終日虛名耳·忍韶華去盡·幾度春風·蟪率哀音·徒憐弔月離宮·茫茫舊約中原夢·算遲遲·誤却

行縱·望長天·憔悴斯人·絕影孤鴻·

星島留聚故人家

曼英

喜逢異地故人家·絮語深宵重煮茶·歲月悠悠無勝事·緬懷風雪對梅花·

慶宮春

松齡

海甸人閑·蠻方秋近·殊鄉三徑初成·碧草人家·綠楊馳道·岡巒縱目溟溟·黃昏閑步·對初月·倚望邊城·生涯燈火·傳恨河星·一樣熒熒·春風當日盈盈·未飲醇醪·先醉柔情·生怕如今·依然飄瀾·流鶯乳燕無聲·亂蒿迷望·千古事·空惹愁生·只悲花節·長負年年·梨院清明·

悼 卓 明

賀 新 涼

曼 英

碧海愁無極。倚樓台。似水寒光。夜深人寂。欲絕詩情風吹醒。
起把花箋重覓。趁一片。團圓夜色。檢點詞章悲物序。念窮
溟。慘折乘鸞翼。思往事。成追憶。相逢何必曾相識。聚蘭
堂。同研書史。一般心跡。佳會文期成永古。待買歸舟南域。
今已矣。魂飛天北。壯志消沉無覓處。更慈帷。白髮重泉隔。
孤墳路。淚沾臆。

滿 庭 芳

廷 輝

一塚孤寒。三秋蘭願。何堪轉眼滄桑。吞聲飲恨。賦筆動江郎。
誰解魂招楚些。歸來也。月冷炎方。青霞意。烟消魂斂。修夜
幾時曠。死生成旦暮。霜寒碧血。有淚浪浪。怕恁時此地。
兩處都忘。淒絕手栽桃李。竟拋却。未自成行。憑誰問。冤沉
宿草。埋沒芷蘭香。

河 滿 子

成 昌

極目連天雁影。碧山一片斜陽。古樹松揪行列列。輕烟宿草淒
涼。惆悵人生如夢。多情一例同傷。堪嘆沉埋書劍。空留青
塚昏黃。壯志未酬應有恨。月明夜夜寒岡。痛絕雙親垂暮。餘
生有淚千行。

負羽未成長飲恨·新墳乍睹泣吞聲·終軍永絕辭恩志·冷月淒涼故國營·

昌雲

廿載修翎翮未豐·雲霄彫落氣如虹·短詩不盡焦琴恨·蝶影時飛曉夢中·

松齡

韶光四月擲如泥·秀水青山總倦題·萬里相思何日已·故人生死獨聞鷄·

新祺

青山雲影闕天黑·塚荒閒花遠地愁·一片斜坵人送別·孤魂遺恨此千秋·

承印者

歐亞印務公司

怡保邦里嗎街四十九號